

223 diu junge, süeze, werde
 het den Wunsch ûf der erde.
 ir minne stuont mit sölher kraft,
 gar âne wankes anehaft.
 5 si het ir man dâ vür erkant,
 iewederz an dem andern vant,
 er was ir liep, alsô was si im.
 swenne ich daz mære an mich nû nim,
 daz si sich müezen scheiden,
 10 dâ wehset schade in beiden.
 ouch riwet mich daz werde wîp.
 ir liute, ir lant, dar zuo ir lîp
 schiet sîn hant von grôzer nôt;
 dâ gein si im ir minne bôt.
 15 Eines morgens er mit zühten sprach
 – manec ritter ez hôte unt sach –:
 »ob ir gebietet, vrouwe,
 mit urloube ich schouwe,
 wie ez umbe mîne muoter stê.
 20 ob der wol oder wê
 sî, daz ist mir harte unkunt.
 daz wil ich zeiner kurzen stunt
 unt ouch durch âventiure zil.
 mag ich iu gedienen vil,
 25 daz giltet iwer minne wert.«
 sus het er urloubes gegert.
 Er was ir liep, sôz mære giht;
 sine wolde im versagen niht.
 von allen sînen mannen
 30 schiet er al eine dannen.

an mich genim, *G (ohne OFr21) (*T)

daz schœne (s⁰ze O [L Z] Fr21) wîp. *G · ȝch riwet mich ir shôner lip I
 ir l., ir l., dar zuo ir lîp, *T · ir lut ir lant daz schone wip I
 die sch. *T

sp., *G
 daz ez manic rîter s.: *G (nur GI) · – m. rîter hôtez unde s. –: *T

der (ir U) sî (om. V) wol (wol sie Fr23) *T (Fr23)
 harte (gar Z) om. *G (ohne G) *T (nur T)
 dar wil *G (ohne Z) *T

iu danne (dan wol I) g. *G (nur GI)

sine woltes (woltez I) im *G (nur GI) *T

*D: D *m: m (mit 223.6¹⁻⁶) Fr69 (223.6¹⁻⁶, 7 und 11–19) *G: G I O L Z Fr21 Fr23 (223.19–23) *T: T U V

1 Initiale Z 5 Initiale I 15 Initiale Fr69 · Capitulumzeichen L · Majuskel D T 23 Initiale G 27 Majuskel D

6 iewederz] ietwederz *m (V) · nach 223.6: wes sîn herze gerte. / diu triuwe si des werte, *m 13 von] vnt D 15 eines tages er mit zühten sprach, *m (L) 16 dâ er manige ritter hôte und sach: *m 21 harte] om. *m 22 daz] dar *m